

34545

11

LA DEVÂDÂCY

MMIEZO A LLI PAZZE

COMMEDIA-PARODIA IN 3 ATTI

DI

LUIGI CAMPESI

MUSICÂ

DEL

MAEST. GIOVANNI VALENTE

Rappresentata al Teatro la Fenice nell'Autunno
del 1870 dalla Compagnia Falanga




NAPOLI

Tip. vico Ecce Homo alla Mad. dell'Ajuto num. 9

1870





Maestro direttore della Musica — Negri Francesco.

Primo violino Direttore dell'Orchestra — Porro Catello.

Concertino — Rossi Vincenzo.

Direttore della scenografia — Venier Pietro.

Direttore del macchinismo — Matarese Gaetano.

Vestiarista — Zamperoni Luigi.

Parrucchiere — Furlai Pasquale.

Attrezzista — Stella Gennaro.

PERSONAGGI

D. BENNARDO **SUCCA-**
INCHIOSTRO padre
 di *Sig. Scelzo Raffaele*
VESPINA. *Sig.^a Tamberlani Angiola*
ROSELLA » *de Crescenzo Scelzo A-*
D. FILOCCHERO **SE-** *malia*
GATRECCALLE ma-
 rito di Rachele. *Sig. de Chiara Cesare*
JENNARIELLO. . . » *de Crescenzo Raffaele*
PIPINO SALTARELLI » *Parisi Errico*
PADRÒ ANTUONO ma-
 rito di. » *Tamberlani Vincenzo*
MENEGA **REVOTA-**
CHIAZZA *Sig.^a Agolini de Chiara An-*
LUIGI **COLLARINO** *giola*
 carnacottaro. . *Sig. Miano Gennaro*
ANDREA (figli di » *Gherardi Giuseppe*
CONCETTA (padrò *Sig.^a Miano Lisgara Concetta*
CANNETA (Antuono » *Parisi Tamberlani Rosa-*
PEPPE **STONAREC-** *lia*
 chie suonatore di
 Chitarra . . . *Sig. Marino Giuseppe*
D. PROSDOCIMO **AG-**
GIUSTACERVELLI » *Lapegna Raffaele*

Coro di Pescatori, Venditori e Popolani

La scena nel 1. e 2. atto è in Napoli alla porta
di Massa, nel 3. atto a Casoria

Epoca presente

N. B. Il quartetto delle donne al 1. atto per
brevità si omette.

ATTO PRIMO

L'ULTIMA DOMENICA DI CARNEVALE

Piazza della Porta di Massa — 1. quinta a sinistra bottega di pizzicagnolo appartenente a Filocchero — 2. quinta caffè di Andrea — 3. quinta piccola bottega di Antuono — A destra 1. quinta bottega di Luigi — 2. quinta cantina di Bennardo — Sulla bottega di Filocchero vi sarà l'insegna, *Bravi formaggi ed ottimi salami*; su quella di Andrea *Caffè dei Negozianti*; su quella di Antuono *Canova di vini*; come su quella di Bennardo *Copisteria, si traducono tutte le lingue* — In fondo la Marina. All'alzarsi della tela è notte; tutte le botteghe sono chiuse tranne quella di Andrea che si vedrà esservi dei lumi al di dentro, e quella di Luigi che di tratto si vedrà qualche leggiera vampa, come è proprio di simili botteghe, quando nelle prime ore mattutine cuociono le carni da mettere in vendita — E notte ancora, ma a misura che s'avanza l'azione si approssima l'alba, tanto che al finale della serenata di Peppe sarà quasi giorno chiaro che secondo il costume della piazza, cui si porta l'azione, dovrà essere animatissima a tal'ora.

Scena I.

All'alzarsi della tela la piazza è ancora sgombra, presso il mare dei PESCATORI ed a loro vicino le loro DONNE aspettando che la rete venga a terra, onde portare in vendita il frutto dei sudori dei proprii mariti.

Coro Prieto, terammo nterra
 Che l'ora chiù s'avanza
 Sperammo ch'abbonnanza
 Sta vota nce sarrà.

Pesante pe mo vene
Vo dire ch'è mporpata
E che bona na scialata
Nuje potimmo fà.

Tira che vene,
Tira che bà.

Scena II.

D. PIPINO, PEPPE, SUONATORI e detti.

(Al finire del Coro sono venuti in iscena, Peppe indica a Pipino la casa di Canneta.)

Peppe Donca...

D. Pip. Non occorre più spiegarmi?

Peppe Non temè t'assicuro che nlietto
Non trovano repuoso e ricietto
La poteca starrave ad arapi.

(accorda la chitarra e principia la serenata)

Nenna cara pe poco sto lietto,
Lassa e scinne ch'ammore te chiamma,
Viene nenna tu stuta sta sciamma,
O cca nterra starraggio a morì.
Mo lo cielo sta tutto stellato
Ch'è na gioja lo starlo a guardare,
Nfrà le stelle tu staje a mancare
Che chiù bella de loro tu sì.

Scinne ne viene

Chiù non trica.

I Mar. *(tirando sempre le reti ed avvolgendo le funi.)* Tira che vene

Tira compà.

Peppe Chisto cielo ch'ammore te spira,
Chesta terra ch'è vero portiento
A me sulo mo dace tormento
Pecchè a luce te fece venì.

Ma si scinne, si sulo me guarde,
Quanto ncielo se gode, godraggio
Che pe me de speranza si raggio,
Ch'a sta vita me stace a tenè.,

Scinne ne viene
Chiù non tricà.

I Mar. Nterra è venuta
Chiena è compà.

(La rete è venuta a terra, tutti mettono il pesce nelle rispettive sporte, e fatto questo ranno via per la vendita, restando solo due o tre marinari per ritirarsi le reti, mentre al davanti del teatro seguita l'azione che dovrà essere animatissima, stantechè di già è giorno chiaro, le botteghe man mano saranno aperte tutte tranne quella di Rach.)

D. Pip. Come mai ci avesse udito
Di risponder non si degna,
Tal procedere mi sdegna
Alle furie mi dà.

(paga Peppe, che va via con i suonatori)

Vend. di frutta Songo belle mele e pere
Ammature te lli benco.

Vend. d'aranci De Palermo ccà lli tengo,
Treje nu soldo te lli dò.

Vend. di finocchi So de pasca ste fenucchie
Scarolelle e vorracelle.

Pescivendolo Guè so bive st'alicelle
Te le bide friccecà.

Venditore di così dette cotene con caldaia
Tre centemmes e no quarto,
Viene sciala ccà guaglione.

D. Pip. Maledetta confusione
Ei fa proprio stordir.

D. Benn. Comme vâ nè, *D. Pipino*,
A chest' ora già asciuto?

And. (ironico) Lo saccio io pecchè è venuto
A primm' ora miezo ccà!

- Ros.* E chi nc'è che non lo sape
Ch'è pe fá lo spantecato.
- D. Pip.* Al contrario qui trovato
Mi son io per caso sol.
- Cann.* Non è overo quanto dice
A chi cunte sti canzune.
- D. Pip.* Se prestate attenzione
Cosa strana narrerò.
- Tutti* Me sentimmolo compagne
Che è zucuso quanno parle.
- D. Pip.* (Mi conviene per sbrigarla
Molte frottole inventar.)
Mentre a letto me ne stava
Riposando quetamente
Sogno strano veramente
Su dal letto mi destava.
In bel prima mi credetti
Gran signore possidente
Comandare a molta gente
Qual da servi e da valletti;
Mi sembrava aver palazzi,
Boschi e selve e praterie,
E dorate gallerie
Di Damasco con gli strazzi.
Qui vedea ricchezze immense,
Quà dei servi in gran livrea,
Poscia a capo mi credea
Del baccan di laute mense;
Quà dei vini non nostrali,
Là vivande prelibate,
Indi frutta ricercate
Davan fine ad orgia tal.
Ma un rumore maledetto
Su saltarmi fa di botto
Che dei topi eran otto
A fuggire sul mio letto.
Fu tremendo il disinganno
Ch'era grande la distanza

Dal bel sogno a quella stanza
Che topaia puossi dir.
Alta sola è sette palmi,
Quattro n'ha poi di larghezza
Con un sei di lunghezza
Che non cape un letticiuol.
Or potete ben capire
Dopo tale emozione
Sì crudele lezione
Qual si fosse il mio furor.
Imprecare avrei voluto
Al destino maledetto
Che si piglia il gran diletto
Fin nel sonno tormentar.
Ma pensai d'esser meglio
Passeggiar ad aria aperta
E dei guai farne offerta
Per non oltre più soffrir.
Quì disceso e trovai Peppe,
Che cantava una canzone
Ed in ver l'emozione
Così solo si calmò.

Tutti Ah, ah, ah, ch'è buffa assaje!
Cos'è chesta de risata
Brutto overo l'ha passata
La nottata mmerità.

Ros. Ma va là, sto vommecuso
Le buscie sta a scarrecare.

Cann. E nuje tutte repassare
Isso crede miezo ccà.

D. Pip. Mi credete.

Tutti Non credimmo.

D. Pip. M'offendete.

Tutti Si busciardo.

D. Pip. All'insulto fremo ed ardo
Di furor divampo già.

Ros. Va vattè che divampare
Si tu si nu mpapucchiero.

Tutti Nu frabbutto ntapechiero
Che nce vuò mo cuffià.

D. Pip. Ah! canaglia impertinente
La finite o non finite?
Se gl'insulti proseguite
La creanza insegnerò.
Sono uomo di gran talento
Scienziato, letterato,
Nelle lingue son versato,
Di natura son portento.
Nella scherma son maestro;
Sono celebre pel ballo,
Ciò che faccio giammai fallo.
Di poeta ho grande l'estro;
E voi gente ineducata
Di burlarmi v'azzardate,
Se più oltre vi rischiate
Quivi il sangue correrà.

Tutti Ah! che a cheste spacconate,
A senti che nce stravisa,
Chiù nc'abbence ccà la risa (*ridendo*)
Che frenare non se pò.

D. Pip. Gente rustica, villani, miserabili, trattare in questo modo un mio pari.

Men. Ohè! finiscela; *D. Pip.*, tu comme la faje longa, a la fine de lli cunte, che t'hanno fatto, hanno pazziato no poco.

D. Pip. Che scherzare, e scherzare; deridermi in pubblico, che sono forse il loro zimbello? Sapete che quantunque oggi mi trovo con la finanza in ribasso, ciò non ostante vanto sette quarti e mezzo di nobiltà.

D. Benn. Vî che se tratta de doje rotole manco miezo quarto.

Men. E chillo mò, justo tante se ne magnarria.

Vesp. Stu muorto de famme!

Ros. Sto appojalibbarda!

Cann. Ah! fernetela mo è troppo addavero, se

vede proprio che non avite creanza, non nce stà chiù rispetto a chi è meglio de vuje.

D. Pip. (Oh! mia Dea, mia difentitrice, se tu sapessi, la serenata l'ho fatta per te! Ah! se non fosse per la miseria, mi presenterei a tuo fratello, e ti sposerei subito, ma la signora Rachele penserà a farmi ottenere la tua mano.)

Conc. E me pare ch'ave ditto buono, chillo è na perzona civile.

Ros. Acci! (*forte imita lo starnuto*).

Con. Che d'è, siè Rosè, tenite lo catarro?

Ros. Gnorsì, è nu poco d'ummedo pigliato jeresera.

Con. Overo? vuje mo vedite che cosa curiosa: io me credeva ch'avivevo sturnutato pe me cuffià.

Ros. Vuje la putite piglià comme chiù meglio ve pare e piace.

And. Mena mò, scompiscela, Rosè, facitelo pe l'ammore mio. (*per carezzarla*)

Ros. Nè, bello pecceri, che d'è sta confidenza?

And. Ecco ccà, siè Rosè, siccomme è passata, quacche parola nfra me e vuje.

Ros. Tu qua parola e parola; non t'allicuorde che siccomme arapiste la vocca che me volive, io te dicette che non era cosa.

And. Eppure, siè Rosè, vuje me maltrattate, mentre io non me lo mmereto, e mò nce vò, pe buje io me jettarria dinto a lu fuoco purzi.

Lui. Ma pruvita vosta, siè Ndrè, me pare che la putarrissevo capi; la siè Rosella s'è spiegata chiaramente. mpoche parole v'ha ditto qua songo lli sintemiente suoje...

And. Embè, che c'entrate a risponnere vuje mieze a sti fatte, sife forze lo protettore de chella figliola?

D. Benn. Pe regola vosta, mia figlia non ha bisogno de protetture, e bada a parlar bene, si no te scippo la faccia.

And. Vuje ch'avite da sceppà facce; pe regola vosta sta parola non la dicite chiù, D. Bennà, pecchè si quacche vota me scordo che site ommo d'età ve pozzo pure ntaccà.

Lui. Embè, l'avivevo trovato sulo vujo pò che lo volivevo ntaccà, po essere pure che nce steva quaccheduno che mentre iveva pe ntaccà, chillo ve sportesavo.

And. Chi mo sarria sto tale che sportosa? vuje forze, siè Lui?

Lui. Pecchè si fosse io nc'avarrissivo diffi-curdà?

And. Jatevenne spertosà! jate a spertosà trip-picella e collarino.

Lui. E tu va ntacche lli legna pe sotto a lu fucone.

And. Vuje site lu pate de tutte lli sbruffune!...

Lui. Vuje site na vera crapa moccosa!...

And. A me crapa moccosa; tira mano. (*caccia il coltello*)

D. Pip. Ma calmatevi, finitela!

D. Benn. Fermateve, chesta che porcaria è, a la fine site vicine, e pe na parola subbeto venite a menace; mettitevenne scuorno, site uommene o site cane? mo comme a lu chiù viecchio vè piglio a scoppola cattera!

Men. Ne piccerille, picceri, la volite ferni, vi che me facite fa lli vermuzzulle a me po-verella.

D. Benn. E te piglie nu poco d'acqua torriacale; levete da mieze.

And. Va bene, ave parlato D. Bennardo, e io la fenesco, pecchè mmèreta rispetto, ma mperò, siè Lui, non mancarrà tiempo de fa lli cunto nuosto. (*via dal fondo*)

Lui. Sempe che volite...

D. Pip. (Ed io per la maledetta paura non ardisco spiegarmi con Cannelletta, e mi trovo in quest'imbrogli.)

D. Benn. E tutto pecchè? pe causa de femmena; se n'avarria da perdere la semmenza.

Conc. E pecchè, pe causa de cierte marmottine de ccà miezo, s'hanno d'armà cierte lucigne, e s'hanno da compromettere ll'uqm-mene.

Men. Nè Concetta, Concè, non principià mò n'auta storia, e vide de misurà lli parole, e de nuje aute figliole de sto quartiere vi comme haje da parlà, si no, nce guastammo.

Ntuo. Statte zitte, tu che nc'entri a risponnere.

Men. Comme, chella ha offeso tutte quante ccà miezo.

D. Benn. Siè Mè, e non te resenti tu pure, chelle ave parlato de lli figliole e non de te.

Men. Nè, pecchè non songo figliola io pure comm'all'aute.

D. Benn. Lo fosti.

Men. Ebbiva isso, io songo ancora tutta fricce-carella, non è overo marito mio?

Ntuo. Auffh!...

D. Benn. Vattenne, siè Mè, tu me pare na tartana de baccalà.

Ntuo. Lo bide, afforze tu vuò sentí st'umiliazione.

Ros. Gnernò, senza che nisciuno se piglia collera, chella, la siè Concetta, l'ave direttamente co me, io songo chella che l'ave cecate l'uocchie, ma mperò si quacche ghiuorno vaco nfantasia nce lli ceco veramente.

Conc. Tu e' aje da cecà uocchie, si t'afferro me te scamazzo sotto.

Vesp. Guè, D.^a Concettè, sa che t'aviso, vide

fenirla; fino a mo me songo stata zitta, ma si sferra nce la facimmo na stracciatella, tu che ne vuò de lli fatte nuoste? tu che te si mise ncapo? E bade nu poco a lli fatte tuoje, e non'mantenè chiù a revuoto sta chiazza, che pe causa toja, ogne ghjuorno se fa no taluorne.

Cann. E fernetela mò, contra a una chesta che porcaria è!

Ros. E già, mo n' ha parlate n' auta!

Vesp. Sicuro! la primma mecciata che nce sta ccà miezo.

Cann. A me mecciata! va vattenne, sconceca, sconceca!...

Vesp. Vattenne attizza fuoco, attizza fuoco!

Conc. E mettiteve scuorno de parlà.

D. Pip. Ma finitela per bacco!

D. Benn. Chesta che porcaria è! (*durante questo litigio ha cercato d'interporsi, ma è stato respinto*).

Ntuo. Se fa sempe na storia.

Cann. Nc'hanno ncuorpo chelle doje janare.

Men. Male langue, male langue!...

Ros. Fochera, fochera!

Cann. Brutta, brutta!

Vesp. Mmediosa, mmediosa!

Conc. Faccia tosta, faccia tosta! (*vanno per azzuffarsi gli uomini s'interpongono*)

Vend. di cot. Belle figliò. attiente pe la pignata.

Pesciv. Vi che se pò scassà la sporta.

D. Benn. Ohè! finitela cattera! chesta che porcaria è, e stesse ognuno a suo posto, e andate una volta a la pace, e badate a lli fatte vuoste cancaro.

D. Pip. Ma sì calmatevi, pacificatevi, siete vicine finalmente, ed è una vergogna farsi vedere sempre in continue liti.

Ntuo. Non ve pigliate po appretto pe chesto,

che chelle accossì fanno; vuje l' avite viste, parevano che se volevano accidere, e mo a ccà a n' auto poco sò capace che magnano e beveno nsieme.

D. Benn. Mo veco io de scompirlà. *D. Pipì,* vuje sapite che st'allucche e sti strille non hanno guastato pe niente lo combinato de jere sera, e ogge tutte quante avimmo da i a S. Carlo a vedè chillo ballo c'ave fatto tanto chiasso, addonca jate a piglià lli par-che, primma che se fà chiù tardo, ca si no, non avite lli buone.

Lui. Se, dice buono *D. Bennardo,* venite ccà chisto songo lli denare (*cara il portafoglio e gli dà due biglietti di banca*) 50 lire, vedite quanto spennite, e lo riesto, senza offesa, ve ne pigliate no cafè. (Chi sa che co la scusa de lo triato non potesse fa capace a Rosella a volermene bene.)

D. Pip. Che offendere ed offendere, tu hai un cuore da Cesare, volo a servirti. Ah! benedetto l'autore della *Devádacy*, che ci procura il piacere di passare un' ora veramente divertita (*guarda i biglietti*) (e mi fà mangiare per quattro o cinque giorni.) Vado, in breve sarò di ritorno. (Sono deciso, in teatro manifesterò l'amore, che mi brucia, alla simpatica Canneta, ed interesserò Rachele a cooperarsi per me.) (*ria*)

D. Benn. Donca ognuno badasse a lli fatti suoje, non chiù quistione. tu, siè Mè, va bada la cantina; Concè tu statte attiento a lu cafè, e buje piccerè si vulite sta ccà stateve cujete, e non nghjate armanne chiù luotene.

Lui. E dice buono *D. Bennardo,* isso comme a lu chiù antico mmiezo a lu quartiere mmereta 'respetto e l'avite da obbedi pecchè tene la curia, io frattanto me voglio ire a

fumà stu ziquario. (*chiama in bottega*) Guagliò attiento lo bancone. Datemo lo permesso.

Ntuo. Facite lli fatte vuoste.

Men. Jate co l'ora bona.

Lui. A revederce. (*Nell'andare guarda Rosella facendo un leggiero sospiro, Concetta che se ne accorge fa moti di gelosia*).

Ros. (Chillo mo è nu bello giovaniello, me songo addonata che me vò bene, ma chisto core è de Jennariello, e isso sulo amaraggio.)

Vesp. (Eppure si Luige se spiegasse co mè, io l'accettarria a diece mane.)

D. Benn. Stateve zitto, ch'aggio da scrivere na lettera nfranzese a no marenare de lo postale, che l'ha da mannà a la mamma Nfranza. (Aggio paura che mece de lo franzese, nce la faccia turca. *(via)*)

Ntuo. E nuje Meneca, jamme a badà a lli fatte de la cantina, e non facimmo chiù chiacchiere. (*viano*)

(*Man mano ognuno piglia posto vicino alla sua bottega. I venditori sgombrano la piazza*)

Conc. (Chi sa Luigi addò è chiuto; si frateme non mestrillasse le sarria proprio appriesso.

Cann. (Eppure si D. Pipino non stesse accossi disperato lo sposarria co tutto lo core)

Men. Ne Cà, ma vuje non avite visto la siè Rachele, simmo arrivato a chest'ora e non ancora ha aperta laoteca.

Cann. E non saje che chella da che s'è spusato a chillo viecechio nzallanuto de D. Filocchero vo fa la signora.

Conc. E chella è stata affacciata tutta sta notte pe senti la serenata, pecchesto sta dormenno ancora.

Men. (*a Cann.*) Ma chiste songo affare che

non nc' apparteneno. Vedite de non armà
fuoco. (via)

Ros. (a *Vesp.*) Sè, e mo nc'arriva chella povera
mamma, si chelle non ne lassano uno pe
deritto.

Vesp. (E de chi non ne dicenno male, si tutto
auto manca, se taccareano lloro stesse.)

Conc. No quanno scenne nuje nc' avimme da
spassà nu poco; illa vî lloco...

Scena III.

RACHELE e dette.

(*Rachele apre la porta. le altre le vanno incontro
con ironia la salutano.*)

Cann. Oh! bonni Rachela bella.

Rac. Allerezza e sanetá.

Ros. De sta chiazza tu si stella.

Tutte Che nuje tutte pò scurà.

Rac. Maramè, yuje che dicite?

Tutte È la pura verità. (*ironiche*).

Rac. Repassare mme volite

Ed è cosa che non bà. (*offesa*)

Ros. Repassà po justo a buje?

Cann. Ma chi tanto pote ardi? (*c. s.*)

Rac. Peccerè meglio è pe buje

Si nghioccate stu parlà:

Songo femmena de munno,

E già saccio comme gira

Non me faccio piglià ntunno

Pe lo naso e carrià.

Nzò che songo lli vicine

Aggio buono studiato,

Ma mperò so de lli fine

Non me faccio accavallà.

Sì da stupeto me fegno,

Si sto zitto e non capesco,
È pecchè ncore me segno
De chi m'aggio venneccà.

Le altre Brava sì, nce si piaciuta
Proprio è stata speretosa,
Bona overa tu si ghiuta
Nce si stata a conzolà. (c. s.)

Rac. Ah! la cana mmidia brutta
Ngotta, ngotta, ma pò schiatta,
Che la nfama quanno è strutta
Le commene d'ammoccià,
È no juorno la scasata
Non trovano chiù repuoso
Abbuluta e sconsolata
Pe l'arraggia creparrà.

Le altre (Sta sberressa mmalorata,
Nce l'ha propeto sonato.)
Brava, viva, tu portata
Guè da masta te si ccà.

Ros. Eppure, siè Rachè, dinte a lli parole voste
nce stà na brutta lezione pe quaccheduna
de ccà mmiezo.

Rac. Io aggio ntiso de parlà de chiù d'una, onne
chi se crede de mazzecà ncoppa a la re-
putazione mia ntennesse lli parole meje. e
cercasse de non me stozzecà ca si no sò
guaje.

Conc. Mena mò, Rachela, e spiegate de n' autà
manera, c'lassa stà sti chiacchiare soperchie,

Rac. (avvicinandosi) Concè, dimme na cosa, tu
haje mafe abbuscato?

Conc. Pecchè me vuò vattere tu?

Rac. No, saccio che si parle ncoppa a la stima
mia, si mente niente appure quacche cosa
fernesce male, e mo che mariteme è ghiuto
a Panecuocolo pe niozià, mo è lo momento
de fa na rotta d'ossa a quaccheduna, pec-
chè io so femmena d'annore, e no metto
a cimento l'ommene,

Conc. Aggio capito, tu stammatina si scesa co la ntenzione de fa chiacchiere, mo me ne vaco io, e levammo quistione, si no, se dice che io sola sò la nzista, pecchè chi parla nfaccio non ha da essere potuto vedè; a sto munno vanne nnanze solamente chillo che sanno cuvà, ma bene, ave da venì lo juorno che se scommoglieno lli zelle, e se vedarrà chi so lli bone, e chi so lli cattive. (Ma non penzà che te voglia fa ammaccà sta superbia, chello che aveva da fa già è fatto.) *(via in bottega)*

Rac. Mo m'adduorme co sti canzone.

Cann. E va buono mo, siè Rachela, e fernetela mo co sti smargiassate, a la fine de lli cunte doje vracce tenimmo tutte quante.

Rac. Piccerè si vuò fa buono
Vide accaglia e statte zitto,
Ca si nò, siento lo suono
De lli pacchere mo ccà.

Cann. Faciarrisseve addavero
Na gran grossa guapparia,
Tre vuje site a fa surrero
Mè scasata che una sò.

Ros. Guè, nennè, non ghì a quaglia..

Vesp. Vì che niente tu ne cacce.

Ros. e Tu pe ciento ne vuò paglia,

Vesp. (E pò staje ad alluccà.

Cann. Ma si site mälà gente.

Ros. Sciù pe te gialluta brutta.

Vesp. Che buò fare la nnocente
Mentre ncuorpo cuve pò.

Cann. Guè, figliò, è tutta mmidia
Che vè face ccà parlare.

Vesp. Tu qua mmidia, tu qua accidia.

Ros. Si nce faje tu pietà.

Rac. Viene ccà vi che pacienza
Che nce vole mo co tico,

Cannetè, chesta sentenza
Vide buono de senti:
Chesta tubba che tu tiene,
Chesta gran pretenzione
Cosa è che non commene
A na zita comm' a te;
E po' nè, tu addò l'appuoje
Sta grann' aria, sta superbia?
Nfede mia, tu non la puoje
Che a l'aria affidà,
Onne mò va te retire
Chiù de l' aute non ntricate,
Vi che brutto pe te spira
Mo lo viento miniezo ccà.

- Ros.* Donca chella aje sentuta?
Vesp. Ceppa, coppa t' ha parlato.
Ros. Nè, cred' io t' ave affennuta
Vesp. Mperò siente st' auto ccà.
Ros. De te sola sta a ntricate.
Vesp. C' assai meglio tu farraje.
Ros. E de nuje pò non mpicciarte.
Vesp. Si abbuscare pò tu non buò.
Ros. Sotto cennere si fuoco.
Vesp. Acqua si che mai corre
Ros. Ma chianillo a poco, a poco
Vesp. Fa pantano e sta a feti.
Ros. Ncuorpo cuve robb' assaje.
Vesp. E de l' aute vuò parlare.
Ros. Mentre tu aute non faje
Vesp. Che miseria e pietà.
Cann. Credo mo che già fernuto
Avarrite, o manco ancora?
Pe me buono aggio ntennuto
Tocca a buje mò de nghioccà:
Da me, mò a quante site
Nc'è na grossa differenza,
E a chist' uocchie, mme credite,
Sulo schifo state a fa.

Si m'aggio da ritirare
Nè c'avite da fá vuje?
Pe me credo che ntanare
V'avarrita e basta ccà!..
Nennè, nuje ncè sapimmo
Vi che ccà nuje staimmo a Napole
Onne è che nce conoscimme
Tutte quante, e già se sà.

Rac. Che ntenniste mo de dire
Brutta sarcena vestuta?

Ros. e (*Nzomma inò, non buò fernire*

Vesp. { *Co stà lengua de ntaccà.*

Cann. Si gnorsí, mo la ferneva
E me steva ad approvare,
E a vuje pò non diceva
Qua de me lli ntiento sò.

Ros. Pure è vero te rebatto
Quicchè ghiuorno che me nfoco.

Cann. Lassa i, mo co sto vatto
Chè la risa fa vení.

Rac., Ah! tu ride, nce repasse,

Ros e Miette fuoco mmalurata

Vesp. E a forza lli f acasse
Vuò fa nascere tu cèa.
Brutta, guitta, ntapechera,
Sgrata, fauza, frabbottona,
Va valtenne o na busera
Ncapo a te stace a vení.
Si non scappe, si non fuje,
Si n'allippa da ccà priesto,
Si de chiù mo nchiuove a nuje
Ncè sò guaje piccerè.

Cann. Ah, ah, me vene a ridere;
Ah, ah, ah, chiù non pozzo,
Si seguetate a dicere,
Ccà lo sango corrarrà.
Mata gente schefenzóse
Qua cepolle facce doppie

Jatevenne brutte cose,
O n'aggrisso nasciarrà,
Si non ghiate, non fenite,
Si mo prieto n'allippate
Gruosse guaje me credite
Ve staranno ad assommà.

Ros. Tu menace? e fatte sotto.
(*levandosi la pettinessa, e mettendosi in attitudine minacciosa*).

Cann. Songo pronta, eccome ccà.
(*levandosi una pantofola*)

Vesp. L'uocchie proprio mo t'abotto.
Cann. Io ve voglio ammatuntà.

Ros. Piglia!...

Cann. Afferra!...

Rac. Spartiteve!...
Proprio v'aggio da sciaccà?
Fernitela... lassateve...
Porcaria è chesta ccà.

(*Le donne si azzuffano fra di loro, Rachete s'interpone, spingendo Canneta nella propria abitazione, e Vespina nella sua*).

Rac. Meno male che s'è fatto capace, e se n'è ghjuta.

Ros. No, si non era pe te, Rachè, era venuto lo momento che le volevo sceppà la faccia.

Rac. Meglio è ch'è fenuto accossi, pecchè po sa che saccio, che po quann'era doppo, accommezavano a fà n'auta storia co chella strega de la mamma.

Ros. Ma che nce faje, Rachela mia, quanno nce vole è medecamente; tu non può credere che lengua tagliente tene chella tre onze de carne.

Rac. È meglio a tenerce pacienza, e farse capace che s'ave da fa cantà, pecchè accossi quanno non trove chi le dà udiencia chella more doppe tre ghjuorne.

Scena IV.

LUIGI e detti.

Lui. La vi là chella gnagliona che m' ha sperciato lo core, ma fino a mo, non l' aggio potuto ricalà all'ammore mio, ncè sta Jennariello, lo figliastro de la siè Rachela, che me la contrasta, e si chillo meuzillo non fosse figlio a chillo pate, a ches' ora già l'avarrie tirate lli stentine da cuorpo.

Pa. Oh! siè Lui, site vuje! da do venite?

Lui. So state a dà duje passe pe me divià no poco da na brutta paturnia.

Ros. Pecchè che v'è succieso, che state de mal' umore?

Lui. (E me l' addimmianna la nfama). M'è succieso che quann' uno se creda de navegà co viento in poppa, vene na tempesta, e t'abbarruca la lanza a mare; m'è succieso che quacche figliola de ccà mmiezo prima m'ave date quacche speranza, e po s'è sbotata, ma mardetto il monno, chisto è n' affare che fernesce co no poco de sango.

Rac. Ma via mo, siè Lui, non v'allummate tutto nzieme, vuje sapite che non bisogna giudicà a primma vista.

Lui. E che primma vista, e primma vista, ccà l' affare m'ave perciato l' uocchie.

Scena V.

CONCETTA e detti.

Conc. (Esce dal caffè, e vedendo i tre, resta ad ascoltare) La vi llà chella faccia d' acciso

sta parlanno co Luigi, e cheli' auta porta pullaste le sta presente.

Ros. Ecco ecà, siè Lui, permettete che traso io pure mmiezo a sto trascurzo.

Lui. (La nfama tene pure coraggio de parlà). Serviteve.

Ros. A lli bote sapite comme succede, che no giovane o na figliola se guardeno, uno de lloro s' annanimora, e mente l' aute fuorze le sarrà trasuto sempreccemente nsimpatia, e le dice quacche parola p' amicizia. chillo se la piglia p' amore, e se lusinghe.

Lui. Eh brava! sì, me site propeto piaciuto, donca chisto tale che s' è lusingate sarria io, ma mperò io potarria parlà, potarria dicere che non è lusinga, quanno no giovane se sente dicere va parla co patemo, quanno na figliola dice nfaccia a quacche ommo de muuno che tene la varv' janca: mmiscateve mmieze a st' affare, io non trovo chiù arpepuoso; ma mperò io songo no giovane d' annore, e me stongo zitto, e mo me sento dicere nfaccia che me songo lusingato.

Rac. Vedite, siè Lui, cierte bote non bisogna dà rette a cierte figliole, quanno non teneno ancora na ciert' età che ponno capì chello che diceno.

Lui. Addonca lo tuorto è lo mio? addonca pè me non nc'è chiù speranza?

Rac. Ma si lo matremmonio è conchiuso mperò non boglio che portate rancore nè a Jennariello, nè a Rosella.

Ros. Pecchè essere guardata storta da vuje sarria lo stesso che farme avè no rimorso continuo...

Lui. Ma che volite che ve dico, io song'ommo, tengo no poco de sanghe dinte a lli vene,

e pare che nzicco, nzacco me pozzo accojetà, chesta è na cosa che io faciarria scorrere lo sango se non nse trattasse de no giovene che io rispetto pecchè figlio a chillo pate, che se mereta tutte, ma mperò da ogge nnante nisciuno me vedarrà mmiezo a lo quartiere, anze mo propelo voglio i a parlà co no sensale, pe farme trovà na poteca, quanto chiù lontano po essere, pe non bedè a nisciuno chiù.

Rac. Chesto non sarrà maje, pecchè vuje faccenno chesto farrissovo lardià chiù d'uno ccà mmiezo, siè Lui, riflettite a lli parole meje, penzatece, e io sò certa che passata la primma furia, vuje diciarrite Rachelà ave ragione, farrite stà lle case comime se trovano e pensarrite a sposarve quacche auta giovene de ccà mmiezo, che sarrà felice unendose co buje, che site no figliullo de bona condotta, e che se sape abbussà la pezza. (*Con molta persuasiva*) Siè Lui, penzatece, io vaco dintò, vedite' de non dà dispiacere, a chi veramente ve stima. Viene Rosè famme no poco de compagnia. (*Piano a Rosella*) Vide che succede, quanno no state attiento primma de lanzà na parola.

Ros. Che volite, io pò senza mamma, nisciuno m'ave fatto riflettere quale era lo buono, e qua lo male. (*viano*)

Lui. E brava, è stato proprio no vocconciello de urdeina Dommeneca de Carnevale.

Conc. (*Si fa avanti*) Ma chesto succède quanno ve mettite co cierte moccaselle.

Lui. (*La morte, ncopp'a la noce de lo cuollo*).

Conc. Mentre si ve fussevo puosto co na figliola de munno che sape la mana deritta soja (*con intenzione*) sarrissevo stato amato

e stimato, e allora de mo, potarrissevo essere felice.

Lui. (Chesta mo, sarria stata essa, e a forza me vò fruscià.)

Conc. Che d'è, siè Lui, non nc'è risposta (e s.) eh! già capesca vuje penzate ancora a Rosa, ed è ghiusto, a sto munno tutt'è sciorita, uno è disprezzato e chiù vo bene, mente n'auto si sentesse na parola sola, si avesse na lontana speranza sarria felice, co chesta succede la scena ncontraria, che se fá vedè che non nse capisce, che non se ntenne, e si tocca se desprezza, e se ne fa soggetto de risata e de spassatiempo.

Lui. (Auffa! aggio capito, mo la parlo a lettere de mazzapano, e accossì po essere che me la leva da tuorno-na vota pe sempe). Ecco ccà, siè Concè, spiegammoce chiaro, vuje, e lloco non nc'è difficurdà, dirigitte a me sti parole; ma perdonateme, comme amica, comme vicina, io ve rispetto, ve stimo, ma comme e mogliera, chisto ccà (*indica il cuore*) non ne vò sapè. (L'avarave capito!)

Conc. (*Offesa e nel colmo della rabbia dice*) Ah! è troppo! è troppo! (*Via in bottega*)

Lui. E che tu te sbatte, che ne cacce? Eh! io stò co lli canchere da parte de la capa, e chella se n'era venuta a portarme parabole, mentre io non pozzo levarme da capo chella guagliona, che m'ave fatto perdere lo cerviello, e doppo... oh! ma io pe scemo non nce passo, mo me faccio scrivere na lettera da lo patro senza dirle a chi è diretta, e nce la manno, armèno voglio sfogà a mproperie, D. Bennà.

Scena VI.

D. BENNARDO *prima dentro poi fuori e detto.*

D. Benn. *(di dentro)* Che nc' è Lui?

Lui. D. Bennà; ascite no momento ccà fora, scusate.

D. Benn. *(di dentro)* Eccome ccà *(Esce con gli occhiali e penne all'orecchio)* Che m'aje da commannà?

Lui. D. Bennà, m'avarrissevo da fá lo piacere, m'avarrissevo fá na lettera, ma mperò nce avarrissevo da mettere dinto, tutto chello che ve dico io.

D. Benn. È pecchè no, me dispiace, caro Luigi, che non me daje comanne chiù gruosse, viene dinto...

Lui. E non la potete scrivere ccà fora, a chi-st' auto tavolino *(Non boglio vedè chelle mure addò abita chella nfama)*

D. Benn. Addò vuò tu, era p'avè l'annore d'averte ncasa.

Lui. È meglio ccà, chell' autà peccerella star-rave ammuinata, è meglio ccà fora, pare che non damme soggezione a nisciune.

Scena VII.

D. PIPINO *e detti.*

D. Pip. *(Ed ecco guadagnato altre lirette, ed altre due su i palchettari).*

D. Benn. Che d'è, D. Pipì, vaje sbarianno sulo?

D. Pip. No, faceva certi conti...

D. Benn. Fuorze do lli diebbete che tiene? Va dicenno aje avute lli vegliette?

D. Pip. Impossibile tutto preso, tutto fittato,

la gente fa a pugni per andare a vedere la Devádacy.

D. Benn. Embè comme se fà , non nse v' a nisciuna parte chiù?

D. Pip. A chi? voi oggi venite a S. Carlo, quando in un' affare ci sono io , niente è impossibile.

D. Benn. Ma si vigliette non ncè ne stanno chiù?

Lui. Pare che sia finita qualunque quistione.

D. Pip. I biglietti usciranno, ho promesso cinque lire ad una persona, e fra mezz' ora i biglietti saranno qui.

D. Benn. Meno male che non v' a monte stu spasso, ca si no sentive lli femmene?

Lui. Pe me, non nce vengo.

D. Pip. Tu scherzi, dobbiamo essere tutti, o corpo di bacco!

D. Benn. Chillo, lo siè Luigi , cierto è nnamorado, tanto chiù la lettera che vò essere scritta.

D. Pip. A proposito, anche a me Bennardo devì scrivere una lettera.

D. Benn. E che d'è vuje non la sapite scriverè?

D. Pip. No, è che non voglio far conoscere il carattere. (Se quella va a Canneta, è buona per qualunque circostanza non far conoscere il mio carattere, pare che se non l'accetta sono sempre al covertò).

D. Benn. Embè mo servo pure a buje.

Lui. Chello che ve prejo , non cagnate manco na parola de chelle che ve dico.

D. Pip. Per me ti dò l'istessa preghiera, e bada soprattutto di fare un carattere chiaro.

D. Benn. Non dubetato che farraggio de tutte pe scrivere a dovere , so a buje.

D. Pip. E dunque sbrighiamoci, chi principia?

D. Benn. Chi volite vuje, pe me songo indifferente.

D. Pip. Dunque attento.

Lui. Accommenzate.

D. Benn. Va dicenno chiacchiarea:

Tu me dietto, e io ccà scrivo, (a Luigi)

No caratiere corzivo

Io starraggio mo a stampà. (a Pipino)

D. Pip. Io principio.

D. Benn. So ccà pronto.

D. Pip. Presto.

Lui. Votta.

D. Benn. Songo lesto.

D. Pip. Spiccia.

Lui. Votta.

D. Pip. Via fa presto

D. Benn. Songo lesto uno a la vota

E ve pozzo contentà.

D. Pip. Scrivi, sù: Mia Diva bella

Lui. Donna fauza ciantella

D. Pip. Di quest'occhi sei la stella

Lui. Non me faccio mpapucchià

D. Pip. Per te peno giorno e notte,

Lui. Non song'ommo d'avè cuorno

D. Pip. Ardo brucio come un forno

Lui. Va vattenna a fa squartà!

D. Benn. Chiano, chiano non corrite.

D. Pip. Sempre fissa al mio pensiero

Lui. Guè nennè sto canneliero

D. Pip. Nume sol del ben foriero

Lui. A me sulo non faje smiccià

D. Benn. A fermateve no poco,

Che mmalora vuje tenite

Si ccà nzieme me dettate

Io non pozzo chiù agguantà.

D. Pip. Basta allora più tardi il resto.

Su, sentiam che cosa hai scritto,

Lui. Si sentimmo, lesto, lesto

Che la voglio po firmà.

D. Benn. Tutto quanto avite ditto

Stace scritto dinto ccà;
Songo a buje: Mia stiva bella,

D. Pip. Ma che c'entra quì la stiva?

D. Benn. Mo si ciuccio, e senza stiva
Po la varca cammenà?

Lui. Vi che bestial

D. Pip. Avanti, avanti.

D. Benn. Ngrata vuò na pupatella

(ora all'uno, ora all'altro)

Lui. Chi t'ha ditto sta parola?

D. Pip. Chi dettato ha questo quà?

D. Benn. Vi che scemo, la nennella

Se potrà accossì spassà.

Dei miei occhi sei la stella

Chesto pò te fa piacere

Per te cresce questo corno,

Guè nennè, si ghjuto o storno,

Se la sarda va nel forno

Curre tu, falla spiccià.

S'è fissato al mio pensiero,

Mo me venno lo canneliero,

Guè nennè sò già foriero

Lli cifrone sto aspettà.

D. Pip. Maledetto, che facesti?

Lui. Che papocchia aje combinato?

D. Pip. Che diavolo tu scrivesti?

Lui. Mo te manno a fà squartà?

D. Benn. Si da ccà tu te metteste

E correnno me dettasto,

E tu n'auto me deciste

Votta, spiccia, priesto và;

Pe servire a tutte e duje

Sta cartoffia mpapucchiare

Spiccia a chisto, spiccio a buje

N'arravuoglie fece ccà.

Perdonate, me scusate,

La mancanza non fuje mia,

Votta tu, e votta io

No pasticcio avevo da fá.

D. Pip. Senti a me: cangia mestiere,
Datti a fare il ciabattino.

Lui. Ogge n'è chiù comm'ajere
Conosciuto tu si ccà.

D. Benn. Chesto è troppo, chiù non pozzo
Chist'affrante sopportà.

Lui. Si rispunne te scocozza
Te rummano mmiezo ccà.

D. Pip. Taci lá, brutto somaro,
Presto vanne via di quà,
Se m'infurio, se mi stizzo,
Quì ti squarto, qual capretto,
Vanne tosto, o quì t'ammazzo
Se persisti ad insultar.
Ma chi credi che io mi sia
Mammalucco rimbambito,
Gentiluomo, appien finito
Sono io, e basta quà.
Con le tue fanfaronate
Credi forse infinocchiarmi,
Bada bene d'alterarmi
Che pentir te ne farò.

Lui. Si m'allummo, si me stizzo
Io te squarto, te scamazzo,
Ve vattenne, o no pupazzo
Ccà te faccio addeventà.
Vuò trattarme qua papurchio,
Qua guaglione scolarlelo,
Non song'ommo già de stucco
Da poterne coffià;
Da sta furia che me struje
Siente a me, si vuò sarvarte
Scappa, fuja, non votarte,
Siente a me, si vuò campà.

D. Benn. La spezzate, la fernite,
Brutte ciuccie mmalurate,
Si no certo ccà a mazzate;
Chist'affare fernarrà.

Songo n' ommo scienziato,

Nel quartiere conosciuto

Professore appatentato.

E nisciuno nc' a da di.

Mo co tanta smargiassate

Ve credite fa paura

O scompite, o lli mazzate

Ncapo a buje faccio scioccà.

(I tre sono al colmo del furore)

FINE DELL' ATTO PRIMO

ATTO SECONDO

La medesima scena dell'atto I. Un ora dopo mezzogiorno,
la piazza è sgombra.

Scena I.

FILOCCHERO *seguito da* JENNARIELLO ,
con borsa da viaggio.

Filocc. Jennariè...

Jenn. Sto stracquo e strutto.
(*mal reggendosi in piedi*)

Filocc. Jennariè ..

Jenn. Tà chiù non pozzo. (c. s.)

Filocc. Jennariè non fà lo scemo
Vide mo de cammenà.

Jenn. Ca te nfurio chiù non pozzo
Non me fido appedecà.

Filocc. Mena mo, quatt'auto passe
È fernisce de penà.

Jenn. Pe la seta mo m'annozzo.
Mo sconocchio nterra ccà.

Filocc. Datte pace, figlio caro,
Arrivato nujè già simmo
Aje ragione troppo amaro
Sto viaggio fuje pe te.

Jenn. Mentre steva ali'aria aperta
Sulo, sulo a respirare
Tu me viene a ncojetare
E me puorte nfino a ccà.

Filocc. Tu non saje?

Jenn. Ma ch'è stato?

Filocc. So traduto!

Jenn. Mare nujè!

Filocc. Songo proprio arruinato
La mia moglie mi tradi.
(*In ridicolo tuono tragico*)

Jenn. Che me cunte, tata bello,
Tu che dice? comm'è stato?
Non nce credo mmerità!
Cride a me non sentì chello
Che la gente stace a dí.

Filocc. Certamente non vorria
Chesta cosa smacenà.
T'arriuorde che io steva
Nzieme a te casè piglianno
E che ngloria me ne jeva
Che l'affare mpoppa vanno.
No guaglione se ne vene
E sta carta me consegna,
(*mostrando una lettera*)

Che fa perderme la pace
Che la capa m'imbrogliò.
Si sapisse quanto male
Chesta lettera m'ha fatto,
Squinternato ha il capezzale,
So arredutto nizzo sfatto,
Chella cana de mogliera
Siente a me, mo me tradesce,
La frabotta ntapechera
Chesta fronte fa che cresce,
E nfra l'auto lo tarlo
Ncapo a essa mo s'è miso,
Ogge nè, vo i a S. Carlo
Lo gran ballo pe vedè.
Ah! che sò precipitato,
Già lo chianto ccà m'affoca (*Piangendo*)
Jennariè so arruinato

Jenn. Chiu non saccio ch'aggia fà.
Mena mo, tatillo caro,
Tanta collera non trase,
Non è chisto caso raro,

De lli nguadie so lli fasce;
Già se sape che la donna
De sti tiempe è auta cosa
Nè se va chiù co la fronna
È tutt' auto, mo na sposa
Lo comanno esso mo tene,
Nzò che vole ave da fà;
E pe ghionta che fa bene
Aje dà pe n' abbuscà.
Ma tu po che volarrisse?
Che restasse sempe chiusa
La cazetta co lo fuso
Se ne stesse a maniare;
È no sbaglio chisto lloco,
È na cosa che non quaglia,
Si nce pienze pe no poco
Vedarraje ch' accossì và.
Siente a me, datte pace,
E non starte a ncojetare,
Chesta cosa già me face
Co solluzzo piccià. (piange)

Filocc. Ma vennette aggio da fare.

Jenn. Siento a me chisto è no nganno.

Filocc. Jennariè, lasseme stare,

Chesta lettera parlò.

Ah! si l'aggio fra lli mane

Chella sgrata, chella mpesa,

Sarragg'io stezzato cane,

Che se vole vennecà.

Chillo core po le scippo

Cu lo pane me lo magno,

Vedarrà che non so micco

Da poterme mpapocchià.

Co no ferro int' a la panza

Ficco e sficco voglio fà.

Jenn. Ah! lo gnore s'è mperrato,

Già de capa se n'è ghiuto,

Chella carta l'ha guastato.

Chiù cerviello isso non ha?
Chella faccia fa paura.
Co chill' uocchie me spaventa,
Vo mannaria nseperd'ira,
Vo no guajo m'ò passà.
Ah! che tremmo, sbatto e sbotto,
Chiù non saccio ch'aggio fà.

Filocc. Mogliera sgrata, mogliera indegna, come io vaco forà pe' niozià, pe' m'abbuscà na pinella, e essa me fa lli guattarelle.

Jenn. Ma Tà siente a me, chisto è no nganno, te pare, chella te vo tant' bene, e po' non le convennarrie maje, e po' maje; solamente consideranno ch'era na povera scorfanelle, e che tu l'aje dato na posizione sposannola, tanto che pe' farlo contenta non nce simmo ritirate a Casoria, lo paese nuoste, e l'aje apierto pure laoteca addò steva l'antico niozio de lo pate, e te pare mo chella te vorria ngannà: cheste so mala gente che mettono nteressie.

Filocc. Malagente lu cancaro, statte zitto tu, non te mettere a risponnere nrieze a sti fatte, ancora le fete la vocca de latte e se mette a risponnere a chello che non l'appartene... zitto!... (lo mortifica)

Jenn. Ih, ih, ih. (piange)

Filocc. (Poveriello, so stato troppo mperruso, sta cancara d'arraggia non me fa penza a chello che faccio). Viene ccà non mporta, te perdono, povero figlio, tu non saje ancora de che so capace lli femmene, però piglie lli parte de chella sgrata.

Jenn. Ma a la fine chella c'ha fatto?

Filocc. C'ha fatto, c'ha fatto! Chesla lettera ch'aggio avuta parla chiaro... e po' si non fosse auto pecchè ha combinato de i' oggi a lu triato.

Jenn. Embè, che male nce stà che va 'a lu triato?

Filocc. Non signore, non nce se va; che d'è stu triato, marditte tutte lli triate, marditte tutte chille che nce vanno, marditte tutte chille che fanno l'opera.

Jenn. Tà, tu aje fatto na maledizione generale mentre si vuò sapè la verità a me pure me piaciarrìa tanto de í all'opera.

Filocc. Zitto, che opera, non se va all'opera: lo tengo questa età e non saccio ancora che d'è no teatro; ma a chello che me dicevano lo vavone mio e la bon' arma de patemo, saccio ch'è na cosa pericolosa, precipitosa, rompicollusa.

Jenn. Quante cose in osa.

Filocc. E po lli triate fanno male a la salute, d'estate se suda, de vjerne se sta nfucato, po s' esce se piglia nu corpo d'aria e se va all' aute canzune.

Jenn. (Tata dice buono, ma a me lu triato me piace, e nc' aggio da í).

Scena II.

CONCETTA, ANDREA e detti, *la prima abbigliata goffamente secondo il costume delle popolane.*

And. Mo nce simme spiegato, sperammo che non succedono chiù quistione. (*in dialogo con la sorella*)

Filocc. Guè, Concè, che d'è?

Conc. D. Filò, vuje! (Vuò vedè che ave avuta la lettera, ed è venuto apposta a Napole).

Filocc. Se songh'io; ma comme va, ve veco, tutta mpupazzata, site fuorze vuje pure de triato?

Conc. Maramè, e comme vuje lo sapite?

Filocc. E chello che non nse fa non se sape.
saccio pure che la signora ne'ave da veni
pure essa.

Conc. Gnorsi.

Filocc. Ah! è lo vero dunque, sgrata, fauza,
frabbotta...

Jenn. Tà, zitto, tà non fa chiazate.

Conc. Ma, siè Filò, io non capisco pecchè tanta
collera?

Filocc. Comme senza lo permesso mio, in as-
senza mia, essa esce, e po va a lo triato!

And. Scusate che dicesse na parola pur' io, si
parlate ch'esce da la casa senza lo permesso
vuosto, va bene, pe sta parte avite ragio-
ne, ma essa è stata priata da tutte lli vi-
cine; e non ne' hanno avuta da fatica poco
pe farla acconiscennere.

Filocc. Non aveva da acconiscennere, non
m'aveva da mettere nella posizione de far-
me ricevere sta lettera, che ha squinternato
il mio sistema nervicoso. non aggio corag-
gio manco de leggerla; Jennariè fancella
sentì tu.

Jenn. Tà lassa stà, mo che vuò fa leggere n'au-
tra vota sta cancare de lettera, che a me
pure fa veni la lagrimazione...

Filocc. Non signore, liegge, l'hanno da sentì
tutte.

Jenn. (*legge stentatamente*) « Mio caro D. Filoc-
» chero, la condotta spiegata da vostra mo-
» glie nel tempo della vostra assenza è ri-
» provevole, basta dirvi che accetta le moi-
» ne di quello spiantato di D. Pipino, tanto
» che oggi in compagnia dello stesso, e
» altre persone del quartiere, hanno deciso
» di andare a S. Carlo, per vedere il ballo
» La Devádacy, se avete a cuore il vostro

» onorè, portatevi presto in Napoli — Una
» persona che vi stima. »

Filocc. Comme ve pare eh! farme sentire queste cose, l'aggio da scannà?

Conc. Ma via mo, manco si fosse fernuto lo munno, chesta che porcaria è, a la fine simmo tutte quante de ccà miezo, che nce jamme a piglià no spasso, e a ognuno de nuje vuje de chesta manere nce venite a offennere tutte quante. Tu vide ch'auto fuoco se va allummanno.

And. Ed ave ragione sorema, a la fine non vale la pena de fa chiasso pe na cosa de niente.

Jenn. Mena mo tà fatte capace.

Conc. Persuaditeve.

And. Carmateve.

Conc. Non facite scenate da fa ridere la gente.

And. Non facite senti lo nomme vuosto miezo a lu quartiere

Filocc. (No, io mprubbeco l'aggio da fa no sbruogno a chella nfamia, pe mo fegno, ma me l'avè da pavà). Siè Ndrè, siè Concè, lli parole voste m' hanno capacitato, e non dubitate che non farraggio chiasso; ma diciteme na cosa nc' è tiempo pe ghi a lo triato?

Conc. Pec' aute minutole, se stanno vestenno tutte quante.

Filocc. Allora sapite che faccio, mo io e figliemo nce re trasimmo dinto a lo caffè. e doppo che site jute a lo triato ve venimmo a fa na sorpresa, pecchè voglio vedè pur'io sto ballo c'ave smuoppete, comme vuje me dicite, la curiosità de tutte Napole, pare che accossi faccio contento pure a Jennariello.

Jenn. Ebbivà tata, me porta a lo triato.

Filocc. Non dubetate ve n' assicuro, è solamente

pe fare na sorpresa a tutte, e po doppo ve prometto che facimmo pure sciacquitto.

And. Quanno è sempricamente pe chesto, annore e piacere, ma badate che io fido ncoppa a la parola vosta.

Filocc. Contace. (Le voglio fa annozzà nganna la scialata). (*viano nel caffè con Jennariello*)

And. E chist'auto fuosse pure è associato. Ma chiste che fanno che non nse vedeno ancora. Nè, siè Bennà.

Scena III.

D. BENNARDO. ROSELLA, VESPINA
abbigliati goffamente.

D. Benn. Noi siassimo pronti!...

Ros. Nuje stammo ccà.

Conc. Rosè, Vespì, io credo che mo ogne chijete sia nfra de nuje scomputo?

Ros. Pe me basta che me lasse a Jennariello, e pò sinme le migliore amiche de lo munno.

Vesp. Pecchè concluso lo matremmonio mio co Luigi, songo purzì contenta.

Conc. E a me fraterna m'ave persuaso de sposarme D. Pipino, e non nce stanno chiù difficurdá.

D. Benn. E pare che ve site agghiustate tutte quante; tu (*a Ros.*) vaje co lo caso de quaglio, tu (*a Vesp.*) co la trippicela, e tu (*a Conc.*) co lli diebbete e le mbroglie.

And. Ma mo D. Pipino s'agghiustarrà purzì isso, pecchè io a sorema l'arapo n'auto caffè, pare che fino a quanno non more chillo zio ricchissimo di D. Pipino, che sta a Foggia, e che l'ave dichiarato erede de tutta la robba soja, potarrà tirà nanze annoramente.

D. Benn. Tu pò, te spuse a Cannetella, la figlia de padrò Antuono, e facite pure na bona cocchia; te pare cafettiere e canteniere, lli duje mestiere che chiù mbrogliano la gente, uno co lli favucce e divunizia, e l'auto vennenno acque de campece.

Conc. Ah! sempe co la pazzia chillo D. Ben-
nardo.

D. Benn. Pazzie, cheste songhe verità chiare e abbampante, io songo la cronica de tutto lo quartiere.

Conc. (E chesto è overo non ne lasse uno co chella lingua.)

Vesp. (Rosè, vò sta frisco Ndreà sposannese a Canneta.)

Ros. (Sè fa lo pane tre bote la settimana.)

Scena IV.

D. PIPINO e LUIGI dal fondo.

D. Pip. Animo, presto che è tardi; siete tutti pronti? .. sbrigatevi.

Luigi. Spicciateve, si no trovammo principiato.

D. Benn. Pe nuje nce vedite che simme pronti, l'autre mo lli chiammammo; addò s', Ntuono, fa scennere a mogliere, e figliema. E tu Rachè te spiccie sì o no.

Scena V.

MENECA, CANNETA, NTUONO e detti.

Men. Eccome ccà a me, ho fatto un triletto magnifico.

D. Benn. E nce pare, me pare quarajesema mpupazzata.

Cann. Lassela í, siè Bennà, si no accommenzammo n'autra storia.

Men. Sciù pe te, io faccio mmidia a lli figliol-
lelle appena traso dinto a lo triato

D. Benn. La gente scappa pecchè te piglia pe
la mamma de lli giraffe.

Men. A chi? se sentiranno smovere e fricceca
tutte l'interiore.

D. Benn. E chesto è prodotto da lli dolore de
viscere vedenne chesta tartana de baccalà.

Men. Marito, tu non m'hai voluto accompa-
gnare.

Ntuo. Io te l'aggio ditto ch'era mpossibile,
pecchè chesta non è ghiornata de sta co la
cantina chiusa, e pò vaje co tante buone
amice e co figlieta, de che te miette paura?

Men. No, era pe la mia pudicizia...

Ntuo. E battenne a cancaro vecchia de la
minalora!

Men. A me vecchia, a me vecchia! (*grida*) Guè
presutto nteseculo...

D. Pip. Meneca, ma non far chiasso!

Men. Mo io l'aggio da sceppà la faccia. (*per
arrentarsi*)

Ros. Mena mo. (*s'interpone*)

F'esp. Chillo ave pazziato.

Cann. Ma fermate.

And. Siè Mè, non fa chiasso.

D. Benn. S'è nfocata la machina de 380 cavalle.

Men. A me vecchia, a me che se gitto il mio
fazzoletto mmiezo a trenta giovinotti lli
bide...

D. Benn. Scappà a tutte quante pe paura.

Men. No, lli bide sbudella per raccoglierlo.

D. Benn. Siè Mè, siè Mè, e non di chiù ciuc-
ciarie, e miettete no poco de scuorno. Ra-
chele, Rachè?

Scena VI.

RACHELE di dentro.

Rac. Mo, Má, n' altro momento.

D. Pip. Tutti pronti! Dunque ci siamo. All'gramente, fra poco assisterete ad uno spettacolo magnifico.

D. Benn. Nè, D. Pipi, che opera se fa primma?

D. Pip. La Travlata, e poi la Devádacy; ecco il programma dello spettacolo. *(lo caccia)*

Men. Uhl lloco sta scritto chello che se fa dinto a lo triato?

D. Pip. Sicuro, ecco: La Traviata ecc. ecc. indi il ballo in cinque atti e sei quadri.

Ros. Che fa dinto a lo triato trovammo cinche gatte?

Vesp. Co seje quadre!

D. Pip. Ho detto cinque atti: per atto s'intende una delle parti principali di una commedia, di un ballo, ecc.

Vesp. Oh! va bene, ma lli cinco quadre?...

D. Pip. La divisione delle scene, distribuzione delle danze, e qui poi se ne vengono, le Africane, le Americane...

D. Benn. Lli Siciliane, lli Napolitane, lli Romane...

D. Pip. Che diavolo dici! sono costumi delle ballerine, non ci è forse anche la Persiana.

Men. Chesta po la calammo, pecchè non boglio che lo sole me facesse fa la faccia nera.

D. Pip. Ma finitela schiocchi che siete, la Persiana non è altro che un passo sul costume di Persia, poi là viene la gran festa indiana del Carro di Di-a-gre...

D. Benn. E doce a no tornese.

D. Pip. Zitto; *Diagrenat* è una deità persiana.

D. Benn. Auffh!

Men. Già, piglia lli notte una velleità co la persiana.

D. Pip. E quì poi un gran ballabile, nel quale ci è tutto, il gioco delle palle per gli uomini...

Ros. E pe nuje femmene la bonafficiatella.

Conc. No, è seccante, pazziammo chiù priesto a la cecatella.

Vesp. No, è meglio annasconnere.

D. Pip. Ma quì c'è da crepare; io intendo parlare dei ballerini; forse un'altra porzione di donne, non vanno con i ventagli.

Cann. E sicuro; pecchè io saccio che dintò a lo triato nce fa caudo.

D. Pip. Che caldo; sono tutti attrezzi...

Ros. Lu bide che se mettono lli trezze.

Men. E se capesce che lli ballarinole se mettono lli trezze.

D. Benn. Io na vota ne canosceva una, che portava seje rotola de capille a posticcio ncapo.

D. Pip. Ma per amore del cielo finitela, gli attrezzi sono tutti quegli oggetti che si mettono dall'autore per abbellire.

D. Benn. (Agli altri) Oh! avite visto che nce sta Autore e Abbellire; l'avivevo pigliato pe na cosa de niente, avite ntiso ... nè, D. Pipì, chi è Autore e Abbellire?

D. Pip. (C'è da morire.) L'autore è colui che ha composto il ballo.

Men. E doppo che vene ne D. Pipì?

D. Pip. Le Ammazzonei.

D. Benn. Qua songo chille de razze?

And. Che ghjate magnanno chillo so chine de spine.

Ros. No, a me manco me piaciono.

D. Pip. Che cosa?

Ros. Lli mazzune de razze.

D. Pip. Io dico le Ammazzone, un ballabile così intitolato.

D. Benn. E avite capite, ciuccie, nce stanno lli mazzune ch'abballono.

D. Pip. No, ci sono i cefali! (È meglio non darli retta). Dopo delle Ammazzone viene la Vespa.

Andr. E stu ballo mme pare l'arca e Noè.

Conc. Nce stanno tutte l'animale da dinto.

Men. No, pe me mo me ne vaco a spoglià, non se ce va chiù!

Cann. Nè, Mà, e pecchè?

Men. Tu pazzie, figlia mia, là nce stanno lli vespe. chelle so velenose, aggio no muorzo da une de chella, fa cancrena, e io corro pericolo di morire nel fiore della mia gioventù!

Ntuo. E sarria meglio si morarrisse, accossi me te levarria da tuorno.

D. Benn. Non avè appaure che co ne muorzo de vespa non se more.

D. Pip. Io non ne posso più. La Vespa è un'altra danza, poi viene un otto.

And. E site arrivato!

Conc. Chillo solamente pe D. Bennardo nce ne vorria no varrire.

D. Benn. Uh! e quanta difficurdà jate trovanono.

Lui. Se capesce che si non avasta nu otto, nuje nu potemme fa venì dieci, dudece litre, che robb'è mo calcolavemo no litro de chiù, no litro de meno.

Ros. Nce sta D. Pipino, che pure se lo scenno.

And. E già se capesce primmo na jocatella a la morra, e po se fá venì lo vino.

D. Benn. Sì, nce songo...

Men. Uh! pure io. . . . quatto. . . . cinche. . . sette. . . (gioga la morra con D. Bennar-

do, Luigi ed *Andrea* anche giocano facendo chiasso.)

- D. Pip.* Oh! alla fine dei conti andate al Diavolo, ma che volete farmi perdere la testa. Sapete che ne'è di nuovo, l'ora è tarda.

Scena VII.

RACHELE fuori e detti, indi FILOCCHERO, JENNARIELLO e PEPPE.

Rac. Eccome ccà.

Lui. Nè, siè Raohè, e non nzerrate?

Rac. No, aggio ditto a lo giovane che chiudesse verso lli trè.

D. Pip. Andiamo al teatro, e là vedrete tutto da voi; non voglio più perdere il fiato, andiamo.

Men. Se, jammo; siè Lui, dateme lo vraccio.

Lui. (Tu vide che se passe). (*Mentre sono per andare si presenta Filocchero con Jennariello, che saranno usciti un momento prima in osservazione, e giusto al punto che D. Pipino è per offrire il braccio a Rachele, Filocchero si fa avanti, Peppe dal fondo con chitarra.*)

Filocc. Fermatevi addò jate?

Rac. (Che beco, ccà maritemo!)

Filocc. Ch'è stato? non parlate?

Mmutute site mo!

Rac. Ecco ccà, co chiste amice
lo me jeve a divertì.

D. Pip. Ed è vero quanto dice,
T'assicuro non menti.

Filocc. N'addimmano a vuje lo fatto,
Essa sola av'a parlare.

Jenn. Zitto tu che io te sbatto
Tata nfaccia miezo ccà.

D. Pip. (La faccenda qui s'imbrogli
li vecchietto smania freme.
Non vorrei che contro voglia
Mi toccasse di buscar!)

D. Benn. (L'aria piglia mo de fummo,
Lo marito cierto cova,
Vuò vedè che la fa nchiummo
Ncasa propete restà.)

Filocc. Douca parla, sgrata, nfama.

Rac. Guè che so cheste parole?

Tutti A na femmena, che t'ama
Sto parlare non se fa.

Fi'occ. M'ama e fa lli guattarelle?

M'ama e fa lo trainiello?

M'ama e fa lli jacoveile?

M'ama e arma storicciello?

Stanno fora io poveriello,

Pe niozie e p'asigenze,

La nfamona pecoriello

Studia farne addeventà!

Onne mo tutte parlate,

Vuje dicite si aggio tuorto.

Non è cosa de varrate?

Tocca a vuje de judecà.

Lui. *D.* Filò, tu mo si n'ommo

Mo de munno già se sape,

Siente a me che io te nghiommo

Mo l'affare comme và.

De mogliereta hanno mmidia,

Perzò s'armano jocate,

Se mardice, se calunnia,

Ma po niente, guè nce stà.

D. Benn. Già mo credo c'aje nghioccate,

Guè, nc'ha dato justo mmiezo.

Rac. Te sarraje capacetato.

Tutti Va dicenno sí, o no?

Filocc. Non nce stà capacitare,

Non m'adduormo a sti canzone,

Si si' stata tu a mancare
Ccà te voglio sbreognà.

D. Benn. Mo si troppo, amico caro.

Lui. Si chiù tuosto de na preta.

Filocc. Sto trainiello assai raro

Il mio interno squinternò.

Mo vattenne da sta casa,

Te ne caccio, o donna rea. (*la spinge*)

Rac. Che! sto scuorno, o me carosa,

(*In tutte le furie*)

A me mprubbeco se fà?

Che t'aggio fatto pazzo sfrenato

Che tu me tratte de sta manere?

Va parla chiaro vecchjo stonato,

E nzò che saje mo dice ccà.

Filocc. Fa la nocente, faccia de cuorno;

Vide che chiagne se fa ragione.

Mperò è tardo che chisto juorno

Si sbriognata non nc'è che fà.

Rac. Sbreognata!

Filocc.

Sine!

Rac. A me sbreognata!

Pe chi se porta comme tu faje

Cane, serpente, tigre stezzata,

Guè, chesta pava stà a meretà.

(*Gli dà uno schiaffo, sorpresa generale*)

Filocc. Jennà?

Jenn.

Tatì?

Filocc. No schiaffo?

Jenn.

No schiaffo!

Filocc. È donca chesta la recompensa

C'ave all'urdemo n'omine de baffo,

Che tanto bene fece a te ccà.

Ah! non nce pozzo de chiù penzare,

Io certo pazzo vado ad ascire,

No forto chianto me sta a pigliare.

Meglio che sfogo no poco ccà. (*piange*)

Rac.

Arraggia brutta che fatto m'aje?

È overo ch'isso m'ave affennuta.
Ma a no gran passo già m'azzardaje
Mo comme l'aggio da reparà;
Da la ragione passa a lo tuorto,
Chi me vo male po ride e ngrassa,
Addò agg'io da piglià puorto
Chiù non lo saccio, confusa so.

Jenn. Chi se credeva cacciave chesto
Sta gatta morta, sta sempricione,
Ah! ch'è lo vero justo pe chesto
Nce vo'le tiempo pe judecà.
Tà non chiagnere, tata mantiene,
Io pure songo scombussolato,
Già chianto a cofene all'uocchie vene
De chiù non pozzo chiù mantenè.

(piange)

Tutti e Arraggia brutta, che fatto l'aje!

Peppe E overo ch'isso l'ave affennuta,
Ma a no gran passo po s'azzardaje
Mo comme l'ave da reparà.
Mo da ragione passa a lo tuorto,
Chi la vo male mo ride e ngrassa,
Comme farrave pe piglià puorto,
È cosa chesta che non se sà.

Ros. Vesp. Guè, vide sotto che nce teneva

Rac. Conc. Sta frabbottona, sta ntapechera,

e Cann. Mentre la semprice essa figneva

(*fra loro*) Vî che t'è stata po ccà a caccià.

Chillo già pare no nfanfaruto
Accaglia e zitto se sfoga nghianto,
Vî lo sciaddeo pare storduto,
Cosa da ridere è chesta ccà.

Rac. Perdoneme, perdoneme,

Videme a piedi tuoje.

Accideme, scamazzeme

Che n'aje ragione mo.

Lui. (a Pipino) A sto scannalo soccieso,

Guè, la corpa è tutta toja.

D. Pip. Perchè dasti sì gran peso
A sì poco e lieve error?

Filocc. Chiù non sento, chiù non beco,
Chiù non nc'è remissione,
De chi parle me ne seco
Non la voglio chiù vedè.

(gli altri si accostano)

Levateve, scostateve,
Nisciuno voglio sentire,
Da ccà vuje parliteve
Sulo voglio restà.
Già sciamme jetto e abbampo,
A chi tocco certo abbruscio;
Via mo datemo campo,
Facitemo sfogà.

Jenn. Tà mantiene, statte sodo,
Vi na chiazza s'è sbelluta,
Saje a la fine che lo brodo
Ncuollo a te vace a cadè,
Fa sti chiasse n'è manere,
Vi lo munno chiacchiarea
Ccà nc'è gente ch'è straniera,
Che le piace de parlà.

Peppe e tutti Fernite mo sto scannalo
De filo ccà scompitela
È troppo, è troppo saccialo, *(a Filocc.)*
Firni la puoje tu ccà;
Già se sape a tutto chesto
Nc' hanno cuorpo lli ntrigante,
Ah! lo cielo po pe chesto
L'avarria da fa crepà.

D. Benn. Via mo!...

Rac. Fernisce!...

D. Pip. Basta!...

Rac. Aje visto ch'è succieso?

Filocc. Tutto chesto non m'avasta
Io lo sango voglio ccà.

(Cerca un'arma per inveire contro la moglie e

Pipino, ma nulla trotando dà di piglio a' la chitarra di Peppe, D. Bennardo che s'interpone l'ha sulla testa, Jennariello cade al di sotto di Bennardo, piange e grida; Peppe vorrebbe inteire su Filocchero vedendo rotta la chitarra. Scompiglio e disordine generale.)

Tutti Ah! che certo asciuto pazzo,
D. Filò, tu mo si ccà.

FINE DELL' ATTO SECONDO

ATTO TERZO

GIARDINO CON CANCELLI

Scena I.

RACHELE, PIPINO *con una nota fra le mani*,
ROSELLA, D. BENNARDO, VESPINA,
NTUONO, MEÑECA, CANNETA, LUIGI,
tutti occupati a rattoppare degli abiti teatrali;
ANDREA *da una cesta intendo a scegliere del e*
scarpe allo stess'uso; Rachele, *seduta su di un*
poggiuolo quasi piangendo. i popolani parte sono
affaccendati vicino a quelli degli abiti, altri ri-
cino ad Andrea.

D. Benn. E mena mo, Rachela, feniscela. non
disperarti, tu ci hai mannato a chiammà a
Napole, e simme venute a Casoria. Spe-
ramme che lo mezzo ch'ave trovato sto
miedeco de lo paese che maritete sta
buono...

Ros. Statte allegra.

Vesp. Feniscela mo.

Rac. E comme l'aggio da fenì. Nnocente, pe
no poco de spasso avere sto sorto de dolore,
mariteme pazzo, e pazzo pe causa mia; no
marito che sempe aggio stimato, rispettato,
e che l'aggio tante obbricazioni... Io non
saccio chiù che fa. Lli miedice de Napole
l'ordinarono l'aria nativa, dicenne che se
sarria restabeluto, stamme ccà da 45 juorne
e niente se n'è ricavato. Mo lo frato cu-
cino sujo, che sta ccà a Casoria, e che pure
è miedeco, ave ordinate de farve venì tutte

quante pe n'auta prova, e pe chesto v'aggio chiamato... ma io manco nce spero.

Vesp. E a tutto nc' ave corpa D. Pipino.

Ros. Tutto pe causa soja.

D. Benn. No, veramente la bestialità la facette tanto io quanto Luigi, ma fuje no momento che senza riflettere, e mperrate de l'offesa che nce facette Filocchero non credenno a lli parole noste che l'assicuravamo che Rachele era na bona femmena, doppo l'appicceco de mmiezo a la chiazza nce pigliajemo Rachele, e nce la portajemo a lo triato.

Ntuo. Ma io mperò majè aggio potuto sapè lo fatto precise de sto triato.

Cann. Ecco ccà: Doppo chillo fracasso de miezo a la chiazza, nce ne jettemo a lo triato;

D. Filocchero mperrato se pigliaje no viglietto de platea, e trasette ntiempo che se faceva lo ballo, ma chella sciorta mardetta che bò combiná, mente a l'ultimo atto chillo che si chiammava Timur dà lo vaso a la primma ballarinola pe lo quale è afferrato e condannato a morte, isse nce abbista dintò a lo palco, e siccome nchillo momento D. Pipino steva fra me e Rachele co la capo no poco calata pecchè nce steva spieganno lo ballo; addivina che? se mette alluccà che chillo aveva dato no vaso a Rachele, e aveva da essere connannato a morte, a chille allucche nfra sische e strille lo cacciajeno fora coffiannelo, isse menave mazzate, faceva cosa da speretate; ma chille lo nzerrajeno miezo, e addò ne vuó che so cepolle... Chelle umiliazione sofferte la mpressione de lo ballo, lo sospetto d'essere traduto le facettero votà lli chiancarelle e lo poverommo ascette pazzo.

D. Benn. Mannaggia il bestemmio; vuje vedite che nce steva stipato.

And. Frattanto tutto va buono, ma io è da n' ora che sto sciglienno fra sti meze cape e non aggio potuto combinà ancora no pare pe me.

Men. E mena mo, non fa lo nzisto, mo si è accossi te lli facimmo fà apposta lli scarpine.

Ros. Non vide che nuje stammo sceglienno nfra sti quatto stracce de vestite che nc'avimmo da mettere, e non dicimmo niente.

Vesp. E se sape, io aggio ntiso sempe dicere che la robba de triate se vede co lli lume.

Lui. Signuri mieje ccà se sape che nce vo no poco de pazienza pe parte d'ognuno, nce avimmo da ddattà, non so momente chiste de i trovanono raciampe.

Cann. Me songo contentata io non te vurrisse contentà tu.

D. Benn. Guè penzate pe lo vestito mio: a proposito, che parte nce faccio?

And. L' Eunuco...

Men. (*ridendo sgangheratamente*) Vide comme ave da parè curioso D. Bennardo, ah, ah, ah.

D. Benn. Ne mamma de le cevettole e pechè ride? (Vuje vedite; chiste comme te vonno compromettere).

Ros. Ne, Ntuò, e tu che nce faje?

D. Benn. Pe isso s'è già pensato, lu pezzente nante a lo tempio.

Men. Leva lè, mariteme faceva lo pezzente...

D. Benn. Tu no pezzente perfidiuso chiù de mariteto addò lo truove.

Men. A mariteme pezzente perfidiuso... ne parza de vierme...

Lui. Zitto, zì, sta venenno lo Dottore...

Scena II.

PROSDOCIMO e detti.

Pros. A poco, a poco, figliuoli miei... Ah! ah! quanta gente... (*fa azioni*) Non tante cerimonie.... Mi fa piacere vedervi tutti impegnati per la guarigione del mio compaesano e parente Filocchero... di quella bestia di Filocchero, di quel melenzo di Filocchero, (*meraviglia di tutti*) che in età avanzata volle per forza riprender moglie... e moglie giovane, ah, ah, ah, ed eccole le conseguenze.

Ros. (Chisto che dice?)

Vesp. (È chiù pazzo de lo pazzo!)

Gli altri Comme signò?

Pros. Tacete!...

Le denre Ma chella è...

Pros. Tacete, che dico bene, ah, ah, ah. Io non ho voluto mai ammogliarmi per non avere impicci e dispiaceri, epperò sono vegeto, robusto, mangio bene, mi ubriaco meglio... (*azione*) Sì, sì, mi ubriaco e sono sempre allegro, ma la mia testa è sempre quadra, perchè non ottusa dalle donne, le quali sono venute al mondo per togliere il bene della ragione agli uomini e così farli vivere penando e morire disperati. Ma a me no, no, no, ah, ah, ah, ah...

Cann. (Puozz'essere acciso!)

Fesp. (Chisto non nce fa maretà chiù!)

D. Benn. (Comm'è curiuso chisto!)

Rac. D. Prosdocimo, non me ngiuriate chiù pe caretà!.. io sono innocente.

Pros. Lo so... e perciò siete qui... e vi parlo... altrimenti... ah... ah... Ma il veleno della

gelosia rode sempre il cuore d' un marito vecchio e ad ogni istante palpita vedendosi accanto una giovane e prosperosa moglie... che... e questo veleno è inguaribile come quello dell' Idrofobia, che si mescola nel sangue, strazia, dilania la vita e finalmente trascina l' uomo ad una morte disperata... ah, ah, ah.

D. Benn. (E chisto ride sempre.)

And. Ave ragione lo signore (ma io me voglio nzorà).

Lui. Sicuro che dice buono. (A me la mogliera me serve.)

Ros. (Vide sto cestariello che ne vo da lli femmene.)

Cann. (Parla p' arraggio che nisciuno se l' ha sposato.)

Vesp. (E chi malora de Chiaja se lo pigliava pe marito.)

Pros. Tu già sei maritato? (a Benn.)

D. Benn. Gnernò, so viduo.

Pros. Bravo, l' hai vinta. Specchiati... ah, ah, e rifletti che l' uomo per vivere in pace ha bisono di tre quarti...

D. Benn. De vermicelle. Io me lli magno ogne matina, signò.

Pros. Anche questi ci vogliono... ah, ah. Ma ti avverto che ha bisogno di tre quarti di cervello sano, dappoichè un quarto di questo viene sempre perduto per le nostre innate pazzie, conservali... ah, ah. Tu hai una fronte spaziosa e puoi conservarli.

D. Benn. (Chisto me fa ridere nsieme co isso) Sissignore, non dubitate è passato lo tiempo. So battute le 24 ore.

Pros. (ad Antuono) E tu già sei casato?

Men. Sissignore, ed io songo la mogliera.

Pros. Voi!... Non puoi uscir pazzo.

Tutti Ah, ah, ah.

Men. (Ebbiva D. Nicola.)

Pros. Ora silenzio tutti, e badiamo al sodo. Voi mi assicuraste che l'ultima impressione, che aggravò il male di Filocchero, fu quella nel Teatro, mentre si rappresentava il ballo, fortunatamente sono stato in Napoli a vederlo e me ne ricordo le posizioni, così ho pensato di far rappresentare qui il ballo, che l'ha fatto uscir pazzo, e invece di fare che quello quando dà il bacio è condannato a morte, finisce che la sposa, e si fa un bel banchetto, Rachele in quel momento si troverà vicino a lui, e così può succedere che quest'impressione in senso contrario di quella del teatro lo facesse rimettere.

Men. E bravo chillo signore, tè chisto songo uommene che non avarrieno morì.

Pros. Ditemi ora, avete preparato tutto?

D. Benn. Tutto pronto, le ballarine sono venute da Napoli hanno di già concertato; Concetta è già a tingersi la faccia; Jennariello sta studiando ancora col maestro il passo, ma la quistione importante è quella della ballerina. D. Pipino a forza di preghiere ha condisceso di fare la prima ballerina.

Pros. Ebbene andate a prepararvi che io voglio andare a vedere D. Filocchero come passa. (*per andare*) Oh! ma eccolo che viene da questa parte, zitto vediamo che fa.

Scena III.

FILOCCHERO e detti.

(Di dentro ridendo e piangendo nello stesso tempo)

Filocc. Ah, ah, ah, ah, ih, oh, ih, oh,

Ah, ah, ah, ah, ih, oh, ih, oh.

(fuori delirando)

Lassateme, lassateme,

Maromè addò so mmattuto!

Ah! mo songo già perduto

Co sti lupe mmiezo ccà:

Quanta bestie nce stanno,

Là so urze, e ccà pantere,

Mamma mia! e quanta fere

Mo me stanno a ntornia.

Ma chi è sta figliolella *(a Benn.)*

Tanta acconcia e aggraziata?

Viene ccà, sciasciona mia,

Cu te sulo aggia parlà.

« Casta Diva che innargenti

« Queste sacre antiche piante.

« Ne ncè vo l'acquavite,

(imita la voce dei venditori di ciriege)

Ah! che sulo tu potraje

Chisto core conzolare

Me ricietto fa trovare

Non me sta chiù a carfettà!

Io pe te songo perduto,

Non riposo juorno e notte

Chisto core me dà botte,

Che non pozzo sopportà.

« Abbellita d' un tuo riso

« Fia là terra un paradiso.

« Agre e doce, agre e doce ecc. »

(imita la voce dei venditori di limoni)

Ma lo vide sgrata, nfama,

Non me parle, non rispunne?...

Ah! pe te guaje a zeffunno

Schitto mo stongo a passà.

Ma guè penza che song' ommo

Da non farne mpapucchiare

E sapraggio vennecare

Ccà de te la nfamità.

Ah! perduto già songo io;
Chi m'afferra, chi me stregne!
Chi è chisto che me pogne?
Da dereto e nanze ccà?

(vedendo la mog'ie)

Ah! si tu tiranna sgrata,
Lassa stare sti tormenti
Già m'aje fatto o trademiento
Da fa l'aria ascurà.

« Ah! maledetto fia l'istante

« Che di te mi rese amante. »

(dando un'occhiata dintorno quasi calmato)

Tutti Poveriello nce fa pena,
Quanto soffre lo scasato.

Ah! destine mmalurato

Tu nce cuorpe a chesto ccà.

Filocc. Ne che d'è vuje me guardate
E me state a piccià?

Ma pecchè vuje ccà chiagnite?

Donca muorto già song' io?

Songo fuorze addeventato

Da fa proprio pietà?

Ah! che proprio lo golio

(crescendo a poco a poco)

Sent'io de ve sbramare;

Scustateve urze e vipere,

Pantere, tigre e vorpe

La nfama è chesta ccà.

Ma scostateve, scostateve

O na vipera addevento,

E ve faccio speretá.

Vuje da me che ne volite?

Pecchè mo me tormentate?

Me parite speretate,

Mo ve manno a fa squartà.

Zitto tutte non fiatate,

O addevento no lione

De vuje tutte nu voccone

Io mo proprio faccio ccà.

Lassaleme, lassateme

Che fuoco jetto ccà.

(sempre dibattendosi fugge dalla parte destra in fondo)

Tutti Poveriello è asciuto pazzo

E non sape zò che fa.

Rac. Currite, ajutatelo avesse da fa quacche arruina.

Pros. Zitto non v' allarmate, vado io, voi altri ognuno all' ufficio suo, andate, apparecchiatevi per il ballo, non perdetes tempo che sarà mio pensiero del resto. D. Benà, mi raccomando a te. (via)

D. Benn. Piccerè appriesso a me a vestì, e tu, Rachela, sta de buon anemo, capisco che tu suoffre, mannaggia chi nc' ave avuto corpa a fa soffri chillo poverommo, e fa piglià stò poco de tuosseco a te, è no fatto chisto che me mantene na palla ncoppa a la vocca de lo stommaco, non saccio io stesso chiagnarria, jastemmara, ma no, voglio ridere, voglio sta allegro, pecchè a la faccia de lli birbante mariteto ave da guari, nuje nce n' avimmo da tornà ncompagnia, e hanno da crepà chille che n' hanno mmi-dia de lo prossemo, lli nfame, l' attizza fuoco, l' arruine de lli famiglie, venite, venite tutte quante allegramente. (spinge tutti dentro, si mette Rachele a braccio e resta in iscena solo Rosella)

Ros. E nfrattanto fra tanta guaje io non aggio potuto ancora vedè a Jennariello mio, pe capacitarlo doppo lo fatto de Nàpole, da che simmo venuto ccà una vota m' è venuto a taglio e non m' ave voluto senti, chi sa quant' aute nfamità l' hanno avuto dicere de me.

Scena IV.

JENNARIELLO e detta.

Jenn. Mallarma de lo masto de ballo e chi lo mparaje, so tre ore che me sta facenno zompà, me sento le denocchie spezzate.

Ros. Jennà. (*sottomessa*)

Jenn. (Ah! la vi ccà la sgrata nfama, solamente a vederla l'arraggia m'accide, ma fignimmo vedimmo che vole). Cosa supplicate? (*in ridicola atteggiatura*)

Ros. E via mo, non principià n'auta vota, cri-deme che io songo nnocente, non me fa penà chiù, penza che pe te aggio perduta la pace e l'arrepuso, via mo vota chille uocchie da la pàrta mia, non me fa chiù spantecà.

Jenn. (Forte Jennà, vi che si la guarde, tu t'abucche). Che t'importa più delle mie lucerne, se altre cefrescole oggi hanno incefrescolato il tuo tigresco cuore!

Ros. No, crideme, Jennà, è pe te che sto core sente ammore, pe te sulo, te videme alli piede tuoje, songo nnocente.

Jenn. (*la guarda*) Si nnocente, non è overo che te si zeziata co lo carnacottaro?

Ros. No, Jennà, isso voleva sposarme, ma io rifiutaje, e mo se sposa a sorema.

Jenn. Ed è ver quanto dici? (*parodia*)

Ros. Te lo ghjuro.

Jenn. Sul tuo onor! (*c. s.*)

Ros. Ncoppa a l'annore!

Jenn. Embè quanno è chesto prega a lo Cielo che lo gnore se remette che io subbeto nce lo mmocco e sposammo lesto, lesto.

Ros. Veramente; e potarria
Avè io po tant'annore?

Jenn. Ma che dice bella mia?

De lo tujo è già sto core!

Ros. Addavero?

Jenn. Veramente!

Ros. Ah! che scuorno che me piglio

Già mbrogliata s'è la mente

Chiù non saccio ch'aggia fa.

Jenn. Ch'aje da fare? matremmonio

Lesto, lestò, gioja mia.

Ros. Oh! mannaggio lo demmonio

M'aje saputo mpapocchià.

(si danno le mani)

A 2 Tocca, tocca vi che sbatte,

Forte parpefa d'ammore

Vide mpietto comme vatte

Sto malofeca de core.

Si me tuocche so na vampa.

Chestà fronte scotta, abbruscia,

Si chiù trica mo s'abbampa

L'artificio mmiezo ccà.

Ros. Ah! mantiene!

Jenn. Mo svenesco!...

Ros. Io m'abbocco!...

Jenn. Chiù non pozzo!...

A 2 Pe sta gioja scevolesco

Chiù non pozzo trattenè.

Jenn. Rosella statte, Rosella vi che io songo

na carcara sott'acqua Rosella

Ros. Calmete, pe mo tutte lli pensiero nuoste

hanno da essere tutte pe la salvezza de

patete.

Jenn. Aje ragione, pecchè da chesta dipenne la

felicità nosta.

Ros. Onne va t'apparecchia pe lo ballo, e si

doppo de chesto pateto se guaresce, allora

si che potarrimmo essere felice e crepar-

ranno lli birbante. (viano)

Scena V.

D. PIPINO *da ballerina.*

D. Pip. Ah! crudele miseria, me ne hai fatto veder di tutti i colori, perfino cambiar sesso. Vediamo se gli altri son pronti. (va per andare s'incontra con Filocchero seguito da Prosdocimo. Filocchero si avvanza tutto concentrato, al vedere D. Pipino il suo sguardo diventa più dolce, e cerca d'accostarglisi, quegli vorrebbe fuggire, se non che gli sguardi fieri e minacciosi del Dottore, che è tutto compreso dell'effetto prodotto su Filocchero dalla vista di Pipino, il trattengono ed è sempre tremante. Filocchero prima gli si avvanza, poi cerca sorridendo di prendergli la mano, Pipino esita, ma il Dottore prima con le buone poi con forza l'obbliga a dargli la mano.)

Scena VI.

RACHELE, D. BENNARDO e detti.

D. Benn. Ma Rachela mia, si tu te scuragisce de chesta manera!

Pros. Zitto!... (restano in azione, D. Bennardo dietro le parole del Dottore che gli manifesta un suo progetto, prendendo il più grande interesse alla scena. Progressivamente da tutte le quinte escono i seguenti personaggi, ognuno vorrebbe dire qualche cosa, ma il Dottore e Bennardo li fanno ritirare indietro, inculcando loro di zittire ed osservare.)

Scena VII.

ROSELLA, CANNETA, VESPINA, NTUONO,
LUIGI, JENNARIELLO e ANDREA con i po-
polani mezzo abbigliati pel ballo, l'ultima ad
uscire è MENECA.

D. Benn. Perdite la lengua. (udendo bisbiglio)
(Dopo che i personaggi sono usciti come sopra
Bennardo li trattiene in fondo minacciando
chiunque vorrebbe interrogarlo o partire. In-
tanto Filocchero continua le sue moine con
Pipino, il quale cerca sempre partire e tien
minacciato da Prosdocimo, che piglia il mas-
simo interesse. pendendo da ogni azione di
Filocchero, poi chiama Bennardo e gli parla
all'orecchio, questi va in fondo e parla uno
per uno, tutti sono ansanti fino al momento
in cui Filocchero man mano avanzandosi dà
un bacio a Pipino, all'ora un forte grido di
tutti:

A morte!!... A morte!!... (i popolani si avan-
zano e vorrebbero trascinarlo, gli artisti man-
terranno viva la controcena).

Filocc. Ah! no pietà! pietà!! (dà in un forte
scoppio di pianto cadendo in ginocchio, in
questo il Dottore gli fa accostare la moglie,
facendo indietreggiare gli altri.)

Rac. Che aje marito mio pecchè chiagne?

Filocc. Che! moglierema, figliema, (uno per
volta il Dottore spinge i personaggi avanti)
Rosella, Vespina, Luigi, Andrea, Canneta,
Antuono, D. Bennardo, benedico state
tutte buone?

Men. E a me comme me trovate?

Filocc. Te si fatta chiù brutta.

D. Pip. Ed a me?

Filocc. Uh! D. Pipino, e peccchè vestuto accossi?

D. Pip. È uno scherzetto. (Un altro poco e sarei morto dalla paura.)

Filocc. Che saccio, me pare d'esserme scetato da nu brutto suonno, pareva che mogliere ma me tradeva, nu gran teatro... lo ballo...

Pros. E che vai badando ai sogni.

Jenn. Papá comme jamme col cervicone?

Filocc. Ah! sì me pare...

Pros. Che cosa? (*autorevole*)

Filocc. Mia moglie?

Pros. È a te vicino e che ti ama sempre .. È Prosdocimo il tuo cugino, il tuo fratello d'infanzia, che non può ingannarti e che ti assicura dell'amore di tua famiglia.

Filocc. A sì Prosdocimo abbracciarmi.

Pros. Non lo dovrei per la tua bestial... No, stringimi forte, forte... ah, ah, ah.

Tutti Ah! (*inteneriti*)

D. Benn. E chillo ride!

Filocc. Ma la lettera?

Pros. Fu scritta da qualche invidioso.

Filocc. E la serenata?

Pros. Era per la signora Candida.

Filocc. E mia moglie?

Rac. Te vo bene, te stima, e non t'ha mai ngannato.

Filocc. (*l'abbraccia*) Mogliera mia, e mio figlio?

Jenn. Sta a tuoje piedi da doje ore per dirti che se vo nzurá pure isso sposannose a Rosella.

Pros. Bada che uscirai pazzo.

Jenn. Non dubitate, faccio io mpazzire a essa.
(*fa segno di busse*)

Pros. E per ricordo di questo fatto, farò il compare del matrimonio di Rosella.

D. Pip. Ma dunque giacchè diversamente s'è

ottenuto la guarigione di Filocchero io vado a spogliarmi.

D. Benn. D. Pipì. senza che la piglia a lungo, tu te la vorrisse sbignà, profitanno che chillo sta buono; ma o schiatto o criepe aje da fa la primma ballarinola!... e lu ballo s'ave-da fa pe festeggià chesta bella jornata.

Filocc. Mena mo, *D. Pipì*, facitelo pe me.

Tutti Fatelo per me... per me...

D. Pip. Era scritto nei fasti della mia vita che io dovevo rinunciare pure al sesso mascolino.

Filocc. Finalmente so fernute
Tanta guaje, tanta tormento,
E mo doppo tanta stiente
Nuje nc'avimmo da spassà.
Donca mo simmo felice
Ogne chiajeto è scomputo,
Ogne guaje è già fernuto
Mo nc'avimmo da spassà.
Viene ccà, mogliera bella,
Chisto pietto, forte strigne
Ntricarelle, guè e maligne
Non ne voglio cchiù senti!

Tutte le parti Sì, lli malanne subeto,
Lli guaje pene e stiente,
Lli chiante e lli tormento
Mannammo a fa squartà.
E si sto ballo è causa
De farce mo felice
Io fa non boglio pausa
De lo strummettia.

Coro e tutti Viva, viva l'allegria
Nce volimmo mo spassà,
Viva, viva l'allegria,
Che te ncante, te nammora,
Viva, viva, chesta è l'ora

De poterece spassà.
Pe no ballo mmalorato
Nce nascette sto scompiglio
Ma passato il parapiglio
Nce volinimo conzola.
Tutt' aunate, tutte amice,
Nce scordammo lo dolore,
Viene strignete a sto core
Lo passato è stato già.
Chisto è ghjuorno fortunato,
Viva il ballo, viva amor!

(*Segue il Ballo*)

F I N E

